



## ՄԻՋԻՆ ՄԱՍՆԱԳԻՏԱԿԱՆ ԿՐԹՈՒԹՅՈՒՆ § 16a

### միայն Գերմանիայի համար

#### Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. [www.eriwan.diplo.de](http://www.eriwan.diplo.de) :

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները, դիպլոմները և նմանատիպ փաստաթղթերը պետք է ներկայացնել բնօրինակով և ապոստիլով/լեզալիզացիայով: Բնօրինակները կվերադարձվեն:
- Վիզայի համար հնարավոր է, որ անհրաժեշտ լինի ԳԴՀ աշխատանքի դաշնային գործակալության (Bundesagentur für Arbeit) և համապատասխան վայրի Օտարերկրացիների հարցերով մարմնի (Ausländerbehörde) համաձայնությունը: Վիզան կարող է տրվել միայն, երբ դեսպանությունը ստանա այս համաձայնությունները:
- **Դիմումի քննությունը և մշակումը սովորաբար տևում է 4-6 շաբաթ**, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, ինդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար:
- Ոչ լիարժեք փաստաթղթերը ձգձգում են դիմումի ընթացքը և կարող են մերժման պատճառ դառնալ:
- **Խնդրում ենք դիմումի վեցշաբաթյա մշակման ժամանակահատվածում ձեռնպահ մնալ դիմումի ընթացքի վերաբերյալ հարցումներ անելուց:** Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:

#### Դիմումի փաստաթղթերը

Դիմում հանձնելիս անհրաժեշտ է **անձամբ** ներկայացնել ստորև նշված փաստաթղթերը: Սկզբունքորեն բոլոր փաստաթղթերը պետք է ներկայացնել **բնօրինակով**, յուրաքանչյուրից նաև՝ **երկուական պատճեն**: Խնդրում ենք ուշադրություն դարձնել, որ փաստաթղթերը պատուհանի մոտ պետք է հանձնել **երկու նույնական փաթեթով** (յուրաքանչյուր փաթեթը սկսվում է դիմում-հարցաթերթիկով և պարունակում ստորև թվարկված փաստաթղթերի պատճենները)՝ դասավորելով

նշված հերթականությամբ: Բոլոր փաստաթղթերը (հատկապես անձնագրի պատճենները) անհրաժեշտ է ներկայացնել **A4 ֆորմատի** թղթի վրա: Խնդրում ենք թղթերը **չկարել, չամրացնել:**

Դեսպանություն ուղարկված այն ֆաքսերը կամ գրությունները, որոնց վրա բացակայում է վիզայի գործի համարը, չեն տեսակավորվում և չեն կցվում գործերին:

Ոչ լիարժեք դիմումները չեն ընդունվում:

Դեսպանությունը հուշում է, որ համաձայն Կացության մասին օրենքի §82-ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

### **Անհրաժեշտ փաստաթղթեր**

- գերմաներենով կամ անգլերենով լիարժեք լրացված 2 դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող էք գտնել դեսպանության կայքում՝ սույն հղումով. <https://videx-national.diplo.de>,
- անհրաժեշտության դեպքում՝ երկու լիարժեք լրացված և ստորագրված հայտարարություն հասանելիության ([hqnul](http://hqnul)) վերաբերյալ,
- 3 նոր, բիոմետրիկ լուսանկար, երկուսը խնդրում ենք սոսնձել դիմում-հարցաթերթիկներին,
- գործող ճամփորդական անձնագիր, որը վավերական լինի առնվազն 6 ամիս, (անձնագրում պետք է լինի առնվազն երկու դատարկ էջ, իսկ անձնագիրը տրված լինի ոչ ավելի վաղ, քան տասը տարի առաջ),
- անձնագրի այն էջերի պատճենները, որտեղ առկա է կնիք, վիզա կամ որևէ այլ նշում,
- Գերմաներենով ինքնուրույն շարադրած և ստորագրած հիմնավորագիր (և երկու պատճեն), որում մանրամասն ներկայացված լինեն նախատեսված մասնագիտական կրթությունը և հետագա մասնագիտական կարիերայի պլանները: Գրության մեջ խնդրում ենք նշել նաև, թե որտեղ և ինչպես էք ձեռք բերել մասնագիտական կրթությունը ստանալու համար անհրաժեշտ լեզվական գիտելիքները, և թե անհրաժեշտության դեպքում ինչպես էք պատրաստվում խորացնել դրանք: Եթե դեռևս ձեռք չէք բերել մասնագիտական կրթության համար պահանջվող լեզվական գիտելիքներ, խնդրում ենք հիմնավորել՝ ինչու:
- Միջին մասնագիտական կրթություն ձեռք բերելու վերաբերյալ գերմաներեն պայմանագիր(Ausbildungsvertrag), որը ստորագրված լինի գործատուի և գործառուի կողմից (և 2 պատճեն)
- Կրթության պլանի (Ausbildungsplan) երկու պատճեն
- Եթե վերաբերում է կրթության լրացուցիչ վկայականներ (օրինակ՝ մասնագետ բժիշկների վերապատրաստման դեպքում).
  - Ճանաչման իրավասու մարմնի տեղեկանքը (և 2 պատճեն), որը արձանագրում է համապատասխանեցման պահանջվող քայլերը և այլ որակավորումներ (օրինակ՝ լեզվի վկայական)
  - Եթե կրթությունը իրականացնում է ընկերությունը, նաև՝ վերապատրաստման պլան (և 2 պատճեն)

### **Ֆինանսավորում**

Ապացույց բավարար ֆինանսական միջոցների մասին

Ֆինանսական՝ առնվազն ամսական 752 € netto/ 939 € brutto միջոցների ապացույց առաջին տարվա համար: Եթե սկզբում պետք է մասնագիտական կրթության համար պահանջվող լեզվական՝ գերմաներենի դասընթաց ավարտել առանց աշխատավարձ ստանալու, կամ երբ մասնագիտական կրթություն ստացողի աշխատավարձը ավելի ցածր է, պետք է առանձին ապացույց ներկայացնել բացակայող գումարի (Fehlbetrag) վերաբերյալ, օրինակ՝ արգելափակված հաշվեհամարի (Sperrkonto) կամ պարտավորագրի տեսքով:

- **Պաշտոնական** պարտավորագիր, որը տրված լինի Գերմանիայում ապրող անձի կողմից՝ համաձայն §§ 66-68 AufenthG-ի, առավելագույնը վեց ամիս առաջ, և որում որպես կացության նպատակ նշված լինի „Ausbildung“ (մասնագիտական կրթություն), ինչպես նաև պարտավորվող անձի ֆինանսական հաստատված հիմքերը (Bonität): Այս փաստաթուղթը տրամադրում են Գերմանիայի Օտարերկրացիների հարցերով մարմինները (Ausländerbehörden in Deutschland):
- «Արգելափակված» հաշիվ (Sperrkonto) Գերմանիայի բանկերից մեկում՝ դիմումատուի անունով, որի վրա առկա լինի առաջին կրթական տարվա համար պահանջվող գումարը:

- Եթե կրթություն իրականացնող հաստատությունն արդեն իսկ չի հաստատել լեզվի իմացությունը, ապա պետք է ներկայացնել ապացույց գերմաներենի գիտելիքների վերաբերյալ (առնվազն B1՝ որակավորված միջին մասնագիտական կրթություն ստանալու համար, այլ դեպքերում՝ որպես կանոն առնվազն՝ A2 մակարդակ)
 

**կամ**

ապացույց առ այն, որ գրանցվել եք միջին մասնագիտություն ստանալուն ուղղված լեզվի նախապատրաստական ինտենսիվ դասընթացի
- Անհրաժեշտության դեպքում պետք է ներկայացնել Գերմանիայի աշխատանքի դաշնային գործակալության/ZAV-ի կողմից՝ աշխատանքի ընդունվելու նպատակով տրվող թույլտվություն. Ուշադրություն. գերմանական գործատուները հնարավորություն ունեն կրթական (միջին մասնագիտական կրթության) պայմանագրով անմիջականորեն դիմել վերոնշյալ գործակալությանը՝ անհրաժեշտ թույլտվությունը ստանալու համար: Եթե այս թույլտվությունը ներկայացվում է վիզայի դիմումի հետ միասին, վիզայի մշակման գործընթացի տևողությունը էականորեն կրճատվում է:
- 18 տարին չլրացած դիմումատուների դեպքում պահանջվում է խնամատար անձանց (ծնողների)՝ նոտարով հաստատված համաձայնությունը՝ երեխայի միայնակ ճամփորդելու և Գերմանիայի տարածքում նրա երկարաժամկետ կացության վերաբերյալ (և երկու պատճեն), ինչպես նաև տեղեկանք առ այն, թե Գերմանիայում ով է ստանձնելու անչափահասի խնամատարությունը: Այն պետք է տրված լինի ծնողների և Գերմանիայում խնամատարությունը ստանձնած անձի կողմից, որին կից ներկայացվի նաև անձնագրերի կամ անձը հաստատող փաստաթղթերի պատճենը, դիմողի ծննդյան վկայականը և երկու պատճեն (եթե այն ֆինանսական տեղեկանքի հետ չի ներկայացվել):
- Այլ՝ ոչ Հայաստանի Հանրապետության քաղաքացիություն ունեցող անձինք, օրինակ՝ Ռուսաստանի, Իրանի կամ Հնդկաստանի քաղաքացիները իրենց բնակությունը Հայաստանում հավաստելու համար պետք է ներկայացնեն Հայաստանի կացության թույլտվություն՝ ռեզիդենտ քարտ (առնվազն վեց ամսվա):

- Բժշկական բավարար ապահովագրական պաշտպանվածության վկայական Եթե Ձեզ՝ որպես միջին մասնագիտական կրթություն ստացողի համար օրենքով սահմանված բժշկական ապահովագրության մեջ նշված է «պարտադիր ապահովագրություն», ապա պետք է նկատի ունենաք, որ այն գործում է միայն Գերմանիայում բնակություն հաստատելու և միջին մասնագիտական կրթությունը սկսելու պահից: Եթե դուք մուտք եք գործում դրանից առաջ, ապա մինչև Ձեր կրթական իրավահարաբերության և օրենքով սահմանված բժշկական ապահովագրության մեկնարկը պետք է կնքեք մասնավոր բժշկական ապահովագրություն: Ճամփորդական բժշկական ապահովագրությունները, հնարավոր է, չապահովեն ապահովագրական պաշտպանվածություն Ձեր ապահովագրության պայմաններում, եթե նախատեսված է երկարաժամկետ և տևական կացություն: Հնարավոր է, որ այսպես կոչված „incoming“ ապահովագրությունները նույնպես չապահովեն այդպիսի պաշտպանվածություն:

### **Կարևոր ցուցումներ**

Ձեր ուշադրությունն ենք հրավիրում այն հանգամանքին, որ վիզայի դիմումը հանձնելիս որևէ այլ վճար, քան **դեսպանության շենքում՝ վիզաների բաժնի պատուհանի մոտ** գանձվող վիզայի վճարն է, նախատեսված չէ:

Դեսպանությունը **չի համագործակցում** տուրիստական ընկերությունների հետ: **Դա վերաբերում է նաև դեսպանության անմիջական հարևանությամբ գտնվող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:**

**Ոչ ոք չի կարող ազդել** Ձեր դիմումի հաջողության հեռանկարի վրա, քանի որ դիմումների վերաբերյալ որոշումները կայացնում է բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում գումար մի՛ տվեք:**

Վիզայի հետ կապված հարցերի մասին արժանահավատ տեղեկություններ կարող եք անվճար ստանալ **դեսպանության վիզաների բաժնի աշխատակիցներից:** Այլ անձինք տեղեկություններ տրամադրելու իրավասություն չունեն: